

摩  
園  
閣  
詩



摩  
閣  
端



光緒八年  
仲寒葉成



易實甫比部摩圍閣詩序卽送其泚行

自孔門分四科而後世學問遂有詞章考據義理經  
濟之名然兼善者代不婁指蓋非第四者等次不可  
述企而亦才與命之難兼遂泥其迹而窒其通也偏  
勝者迺以相詬是非之論淆而門戶之旣興適驅天  
下以不學抑知自始基以至成德非四者無以爲學  
自開物而成務非四者無以爲治乎善學者苟自求  
夫天人相界之厚溥器質之宏陋才性之宜韋獨善  
兼善蘄底厥成而不相詆病是亦世道學術之幸也

序

我朝聖聖相承學術人才抗越往古四者之

學胥轆其極而兼者仍尠惟湘鄉相侯暨吾師南

皮公奄有衆長邁夷等倫蓋嘗綜維二公遭際益信

才命當兼而非人力可彊而致且維國朝學術源

流順康以至咸同四者之學風尙各勝載越今茲當

會其歸二公者連翩踵起殆天竺生賢詰以彰國

家右文之盛而蒼古今學術之成非偶然也易君實

甫生長湘沅幼稟庭訓繼游師門富才而銳學名溢  
而履康殆亦才命兼者追鄉先生之流風承師門之

授受緊君是望已自光緒乙亥識君貴陽間一二年  
必相見見則所爲詩文詞益鏗已卯君以丁戌開行  
卷屬爲刊定余因畧舉四者學問次第以書白君君  
亦大韙余言庚辰余入都師謂恩曰實甫曠世天才  
也嘗以行卷求益若詞章固猶不足傳耶度若才何  
學術不可躋而顧畫是耶余述師言君因執贖請業  
學益大進其冬相遇武漢間因偕恩暨吳後邨父子  
連舫西進登岳陽樓時方落成波光山色平挹闌楹  
湖雁千億伊亞作聲度洞庭水財三四尺北風怒號

序

二

舟膠颿習刺篙盤纜三日度畢三人者頽巾莽倉扣  
舷擊楫前倡后喁驪关无極相與敦勉學業而別今  
冬君來省 廉訪公貴陽恩方自蜀返黔君出示所  
箸經義蕊撞二卷大崑近高郵王氏之學實爲考據  
大宗君之厲學無前日異月新循是以蘄於道德事  
功不難已臨別復以舊作摩圍閣詩問序於余余因  
綜舉八年以來論學大指惟君足張師學而副師望  
以答之并告筱村以秉恩落拓一官日疲茶於簿書  
米鹽之中四者之學竟無一簣之基信乎文章事業

必才命兼者始克有成也二君勉乎哉光緒八年壬  
午冬十有二月腊八日同學弟華陽王秉恩



摩圍閣詩卷上

古漢壽易順鼎實甫

古近體詩五十一首

遲鶴篇和韻

炎林亘幽巢凡羽不堪頌羣蜚阻琴遠采入山脈綜  
破空出洞天手裂荒翠縫坐對襟抱負青霞在操縱  
福地需仙禽相得益增重誰將九霄唳傳入霧與寧  
靈質感知已降心甘効用意中有青田瑤草爲汝種  
冬晴寥宇白霜色萬里共翩若縞衣來其旁碧雲從

摩圍閣詩

卷上

主人好賢誠未到先置倭嘉應兆歸昌此邦卽岐雍  
翛然闕道齋琴操會孤誦叢花兼瘦石配以山家供  
祠官領虛祿雅職似沿宋高寒三珠樹獨立本多恐  
遙辭玉京侶幸勿相詬癡卑棲非本懷遷就成內訟  
滄江一明月清影隔葭葑俯視塵境濁元風久無統  
亟當資表率真骨竦頑蠢上界足官府數奇轉難封  
養晦茲園宜煙泉豁其壅

聞雁

十載孤舟客江湖多此聲我今厭飄泊而汝尙遐征

南國一爲別西風空復情瀟湘雲水濶羨爾獨身輕

### 寒夜

老蕉人立作秋語綠夢墮空痕寸許冷背瑯籠金蟀啼風燈戰夜紅無主西廊路帶斜河邊一星魚目光懸懸畫船波死行不到抱月古愁飛上天

### 江岸曉望一首

有序

初陽寓林奇赤未顯遠水辭郭荒白與依泯泯者沙坐暎乎寒波朧朧之霧懸綴於曉樹竹籬茅舍參伍左右瓜田芋區重疊東西晨

### 摩圍閣詩

卷上

二

景致佳惜雖切吟髓殊艱畫手耳

嘶騎尋煙破寂寥幾家野竹縛籬腰林含旭影爲紅勒沙寫寒光但白描秋樹關山孤雁度曉風江店一旗飄遭逢只乏荆關手清景沉薤恨轉饒

### 送陳仲山丈景湘官滇南

蘇軾詩

唐梅花發萬山幽洱海濤飛八月秋滇國關河今一尉漢朝牧令古諸侯吾鄉先後傳名宦奇氣西南助遠游只恨詩成難寄與五華天外夕陽樓

巖花擁仗月扶輪負弩蠻司意更勤漢殿曾勞金馬

使黔亶罷轉木牛軍三迤種樹剛春雨萬里懷人有  
暮雲化俗他年知政美椎髻騎象說神君

開泰朱孝子詩六章

乾隆六年春王二月蠶彼殃徒挺災於粵五開崗苗  
桑間嘯發山烽照天天爲熱中有孤兒挺奇節  
兒有母年七十餘兄弟五其四若無母驚顧惟季子  
俱寇深矣負母而趨

天寒日瘳丁丁崖兒身蔽母頭顱開砍之不死賊復  
回留汝生命何爲哉頸血滴入山泉哀天寒日瘦丁

摩圍閣詩

卷上

三

丁崖

兒逾時而蘇矣傷十日而復矣繫母與兒痛定而哭  
矣天之冥冥匪無燭矣人之錚錚愧彼欲宥矣

母九十八遶於墟兒五十四眺於廬哀毀滅性隨以  
殂蠻天萬古山蒼蒼前三百年有太常忠臣孝子同  
流芳

孝子誰朱其姓邑庠生名文縉

東宛橋鶴巢側

老樹如龍橫斷岸有時秋入泉響亂一禽蒼白影不

雙滿地紅黃葉參半雪意慘澹疑可呼風色模糊覺  
難辨蕭然醉臥石橋東夢向溪山行歎段

蕉牕二首爲張萊泉泰壽作

斜陽欲下晚晴時冷綠秋眉上一絲雪意澹參摩詰  
畫雨聲清透易安詞費賤心事春寒補病酒年華午  
困支有客凭窗閒望遠楚天多少碧雲思

鬢絲禪榻感曹騰影事模糊昨夜燈紅美人花諸侍  
者綠天庵主一枯僧衾常似水溫難透詩最如秋瘦  
不勝我亦無聊尋夢到爲君拈管證三秦

萊泉所居  
清芬室窗

摩圓閣詩

卷上

四

外有蕉數本其側又多  
美人蕉紅豔四時不改

送胡孟存旋勾江卽次其留別韻

京華散後朋尊闋花夢連天露猶滴飯顛山前甫白  
愁酒徒市上荆高寂青衫幾輩賦飄零布韞頻年走  
荒迤陳蹟都隨鴻雪銷墜歡轉向蠻雲覓斜陽指點  
古龍岡兩度勞歌感不遑海雨南來吹瘴碧楚烟西  
散見晴蒼名流我幸逢丁廩奇境天思助子長花鳥  
驚心人日後關河回首客星旁先生襟抱青霞爽意  
外相遭得奇賞野戰光中處士家傳經席上降王長

盛覽才名片羽留尹珍學業千金享果是龍鸞特出  
姿能無蛩駟因依想窮山索處積煩惓賴爾高歌百  
感降月浸半腰剛在水花開三面總當窗五榕濕翠  
輕鞋踏雙峽驚濤短櫂撞側坐門生朝進履中流仙  
侶晚移艫牙琴忝附知音者暫唱離歌恨休寫別後  
冰心欲寄誰瘦來玉骨堪成把臬廡清風想伯鸞茂  
陵苦雨愁司馬有約重登江上樓爲君更洗花間笋  
從古文章沉瀝先才人何地不因緣碧雲鄭重題蕉  
字白日消磨拾椽年驛路梅花催歲鼓春江桃葉望  
摩圍閣詩

卷上

五

歸船臨歧聊作銷魂語目極寒鴉數點煙

觀榕城閱兵用孟存韻

化俗文翁文平蠻武侯武懷德繼畏威休養兼生聚  
預求一當百彌戒三失伍八千子弟兵十萬軍民府  
榕碧春不遺籌黑晝難數武丁所闢天豎亥未經土  
烏江憤王廟紅崖鬼方宇破樓虹一圍賀井蛙牛部  
拓地久封狼飛天猶醉蠱孤城本甌脫數省相車輔  
專闕代巡邊同袍思禦侮戍卒頭成霜降王肉已腐  
新軍覈虛實厚意入甘苦七縱七擒操羣策羣力努

管鑰北門司旌旗東道主吹螺霧洗郊飲馬霞燒浦  
秋陣風雲參春浪雷電補馬留雖戶微鳥合異市取  
轅門斷鳥飛殺氣隨花舞銳儼萬騎衝堅逾百雉堵  
十射鵬啖弓三通鼉憤鼓柳拂戰場煙花迎洗兵雨  
技精或買鷗色變如談虎旁觀我方快狂喙君忽吐  
綠營乏彪臣白籍饒贖賈擲牝黃金糜餼羊藍本拊  
談功自彪丙問盜仍逢午僅茲紀律師猶見高曾矩  
玉鈐握萬全銅柱期再覩高唱畚饒歌威稜百蠻普

小至用杜韻

摩圍閣詩

卷上

六

臘鼓連村故故催陽和欲送遠春來蓮塘凍綠三分  
凝芋火溫紅一寸灰蟹雨見多偏少雪蠻花開早獨  
遲梅鷓鴣裘在猶堪典莫負平生濁酒盃

憶孟存

枯荷折葦滿前池獨對微波有所思風色一江如紙  
白故人今夜泊舟時

冬日漫興柬張子蕃

滿庭霜翠紛可掃暗葉棲潭碧雲槁兀坐冥搜不出  
門摩圍山人抱書老少年各誇好身手山人得閒如

得寶行年二十箭過眼閱歷方知無事好長安卿相  
殊逼人一旦北風吹馬倒平生擇術恥哺啜飲水餐  
英吾事了無才獨爲天所寵以春相醉秋相飽是時  
人海秋已盡猶有殘聲流浩浩萬籟百泉枯不得併  
作一濤響虛竊蕭然坐此世情澹靜夜把酒臨疎篠  
與鶴相對同性情息壤盟言在三島殊鄉沆瀣遇張  
子忍涕爲余說江表揚州石城久蕭瑟苦把青燐換  
文藻昨夜夢入江南村落月金盆澹橫曉孤山荒寒  
人跡絕清淚冰入湖天悄逋仙故宅在何許文采風  
流嘆今少他年清游恐無地生苦太遲愁太早何人  
補種舊時梅萬點繁花插晴昊

初春和李蘭生大令之瑣韻

哦松貌竹自閒閒冬翠鋪庭靜似山騎蝶南華仙吏  
夢釣鰲東海故人顏名場冰雪肱三折世法雲濤指  
一彈怪爾瘦吟渾未改十年烏帽尙隨班  
響入江村竹火然望中新翠水西天瘴雲蘆管吹春  
戍明月梅花奏古絃關樹漸迴烏鵲冷蠻潮初上鰈  
魚鮮苦茶風味期君共料理紅瓷試雨前

初春集古歡閣用舊作春寒韻

蠻山迴春姿活綠未因雨江光忽中開露此招提所  
高雲似吾輩不速爭入戶名場汨清興此境天所補  
快閣夕陽色曾來換今古人生有懽會稍敵憂患苦  
題襟者數子鸞鳳見軒舉風林倚烏帽倦學媿隅語  
詩情闢康莊萬翠失其阻寒紅歛初媚春誘意猶齟  
何爲勞東望興象已冥聚山城轉忘寂皞然一春宇  
短鳧浴苔波薪水初識渚無爲負煙景百年同寄旅

題子蕃蜀絃集

摩圍閣詩

卷上

八

錦城絲管最無愁獨抱離絃蜀國秋那怪詩心兼甫  
白浣花居後夜卽流

咏水仙

萬古紅情一見銷韞塵斂露夜同飄十三行寫洛神  
賦廿五篇吟湘客騷沅水雁歸秋欲語海山人去月  
無聊仙魂也共梅花冷愁向蠻江拾墜翹

烏相爲雷所劈歌

容圍東堤老烏柏居人惟見雲陰厚滿身青氣不知  
年上有苔花亦奇壽高十餘丈大數圍墨巢倒水鴉

所歸天爲蠻荒補翠罅不爾早盜秋聲飛冥冥烈風  
幾朝暮獨立無傳神已怒夜來霹靂纔一聲昨日生  
龍今死樹龍顛虎倒西復東黝株泣雨荒煙叢紅飛  
餘血曉猶濕黑入半心春早空此材偏受神斤挫不  
許雲霄見高大庸庸中下常幸全蟻葉餘生走相賀  
圍童揩眼驚曉汲橫壓方橋無路入晴虬影化半塘  
雲定水依然寒碧色吾聞仁天不讐物計較何因到  
織未分肌擘理細意爲若恐春綠歸其支向隅獨去  
眾木遠返魂倘荷皇天私從來霆怒稱難測不管奸  
雄管仙佛卽茲卉木誠何辜慮有精靈借巢窟吁嗟  
乎爾則無命爲彭喬盜跖老死操懿驕

海上二首

海上扶餘島軍前曳落河虬髯謀已妄鴉首賜應訛  
鬼火連村出妖雲近水多時平今百粵無地著臣佗  
萬里扶南部雲山象郡通懷柔方禮意割據漫梟雄  
月到將軍樹春生海國風多方制奔突毋使媿當熊  
容池西更闢小池以貯清泚中有三石如峰或  
曰是可作三神山觀也因賦此詩

西山之水波青筒竹眼未許春泥逼夜來新雨長活  
綠細脉迸落幽篁中方塘半角誰所劃涓滴要使清  
流容出山從知亦緩緩常以靜響酬遙松主人愛水  
兼愛石窪者爲海高爲峰沙明月淨石可數三峰突  
出尤清雄玲瓏嵌波影奇絕時有暗月來穿空碎金  
浮壁萬頃意珠胎斗大眠驪龍古苔今藻相掩映水  
氣綠鎖秋陰濛移船彷彿泊三峽暗翠下壓無孤蓬  
馳情更作世外想瀛壺金碧神所宮秦皇漢武不得  
到一斛死水藏仙蓬攜琴遂有萬里適海天散髮聞  
摩圍閣詩

卷上

十

清鐘縞衣孤鶴忽西掠羽化似見登仙蹤人生豈必  
遊汗漫靜處始與千奇逢意象方疑兩俱幻釣竿在  
手吹絲風

春雲二首送友人遊貴筑

春雲忽如客澹澹離茲岑人生不遠遊鬱鬱誰能禁  
小樓貯靜魄若有遊絲尋因之感物候花信吹駸駸  
輒風初扇郭蠻柳多栖禽古苔鎖湖氣綠意相與深  
平波易爲泛柔艣無競音江海在夢想浩蕩閑鷗心  
多此山外山遂爲客中客登樓候晴暉曉見江氣白

蠻天日干變寒暖非易測居人方黃棉行子或白裕  
苦竹春能香萊花晴更色紅鶻開已遍人影亂霞織  
碧雲裏春瘴如有萬里隔今夜山窗燈相思暝無月

寒塘

暝望難爲遠寥天風色黃孤雲銜雪意半樹壓溪光  
欲雨鴉翻葉無人鶴守廊冬心猶可證隻影對寒塘

春橋上

隔溪老樹綯冬色相對令人雙眼明魚驚而跳所見  
少鶴立不動其神清孤桐著手綠成膩一葉打頭紅

摩圍閣詩

卷上

十一

有聲開庵暝坐吾事足吟罷萬古生遙情

花朝榕江山寺

湘春綠隔瘴江迢萬里東風轉玉簫有酒翻憐非故  
國無花不信是今朝山城驟暖綿爭卸僧壁曾題粉  
亦銷奈爾前村挑菜女亂隨黃蝶過溪橋

晤阮敦甫光

同是京華襪被還相逢萬里瘴雲間客因住久翻成  
主天已行完但見山遠驛花風新髻綠斜街薜雨舊  
衣斑多應博得都官句留付蠻江十八鬟

和江南香雲女史五榕山閣題壁韻  
采香舊事已淒迷  
白下春蕪入望低  
如雪楊花飄不  
斷  
有人尋夢到天西

薜花嵌字綠塵迷  
小片吳雲冑影低  
恰是關山春夢  
遠  
早鶯啼恨過遼西

簡敦甫疊前韻

短衣吹笛未南還  
同住榕陰屋幾間  
曉寺花光紅勝  
火  
春江帆影綠於山  
人天慧業存驢背  
仙佛微名隱  
豹斑  
歸夢夜來應更瘦  
瀟湘帝子舊風鬟

摩圍閣詩

卷上

十三

欲喚

池塘如夢坐聞蛙  
人意沉沉靜不譁  
易醉難醒三月  
酒  
多離少聚十年花  
客談世事都無味  
春笑吾生亦  
有涯  
欲喚詩中杜陵老  
相扶同到四娘家

題五榕山古歡閣用前韻

山路花多客思迷  
重登快閣夕陽低  
人間萬事隨流  
水  
豈獨春江不肯西

容舸春日

疎雨不連晝  
靜花方獨春  
因之臨水屋  
時有脫巾人

樓影得雲幻潭光存月眞蓬蓬詩夢暖一徑綠杉新  
寒食

客子望春春可憐落花芳草愁連天斜陽官道過嘶  
馬欹樹小橋來喚船悵然卻歸索愁句孤鶯坐雨垂  
楊偏遠色濛濛不可極百蠻一綠寒無煙朝來借火  
新煙出夢斷江南賣餠陌小桃自碧山鷓紅萬里天  
西作寒食

子夜寒食歌

夜堂無月春沉沉餘寒尙戀梨花陰澹魄憑闌不可

摩圍閣詩

卷上

三

辨煙中來往聞孤唵東鄰歸遲踏青女自拔金釵背  
燈語秋千架上飛曉鶯人迹不來微有雨

春日園居偶興

一帶樓窗捲舊紗日長睡起正思茶天初過雨碧藍  
色春在滿園紅白花柳浪聞鶯詩世界梨雲訪蝶夢  
生涯年來懶問江南酒支竈桐陰汲井華

春月十四韻

春月生紅暈幽人正倚闌潔初添雨過清不入霜看  
近戶疑妝鏡投林誤彈丸水痕明積素花影暗流丹

密補湘簾缺疎侵鄂被單有時如薄靄無處不微瀾  
綺席教吹燭金鋪轉被執似嫌鶯睡暝猶戀雁歸寒  
弄色瞞銀杏凝香醒玉蘭樓臺開罨畫竹樹映團欒  
院落新陰靜池塘晚漲寬暎華微有凍愁意妙能歡  
吹笛行曾近籠鐙坐欲殘肯將花底夢親切到長安  
渡榕江作歌

君不見琬戈鐵鎖臨中流伏波橫海皆封侯又不見  
玉簫金管坐兩頭柳枝桃葉隨清謳飛雁在天白雲  
晚橫汾鼓吹徒悠悠人生適意何必爾短艇榕江弄

摩圍閣詩

卷上

五

新水懶從滄海問珊瑚釣竿却拂蠻花裏同舟況得  
郭與李仙侶飄然二三子昨夜江寒春始縱桃花荇  
葉俱翻動紅迷洞口霞浸底綠接湘南月穿空漁娃  
擁衾猶覺寒舟人守纜難成夢掀篷始知晴色佳春  
枕還疑雨聲重水煙霏霏散鳧鷺沙風獵獵侵鷓鴣  
澄潭偶拂萍藻影緩棹懼犯蛟龍藪瘴天一碧洗萬  
古遂積空色爲玻璃倒影丹黃見寺頂浮光青黛飛  
山眉芒屨撈蝦故人約竹弓射鴨兒時嬉江光千里  
上眉宇人海百憂生鬢絲高歌扣舷吾解聽平生散

髮滄洲興萬重腥浪曾若無一念微波轉難靜酒如  
春水不辭滿舟似晴雲共無定漢陂未讓杜老最采  
石誰云謫仙僅登高曾覽天地間黃河奔流去不還  
大江高浪浮天寬煙波滅沒愁白鷗榕江榕江爾雖  
窄杭以一葦先生歡此江遙遙東入海楊僕功成已  
千載漢皇雄畧重開邊百道樓船無一在祇今惟有  
數閒人來趁漁樵話朝靄煙銷日出百蠻晴苗女操  
舟聞欸乃我生願作西湖遊畫船十里如畫樓不然  
騎鯨遊戲東十洲不然一篷雙槳隨沙鷗人生醉耳  
摩圍閣詩

卷上

五

他何求君不見橫汾鼓吹徒悠悠

清明四首

杏梁藏燕柳藏烏綠暗紅稀酒可沽昨夜雨聲深巷  
屐人家風景上河圖江迷桃葉波千里檻冷梨花雪  
一株爲問鬢絲禪榻畔清愁得似牧之無  
榆作錢飛柳作綿東風澹宕到秋千落花門巷家家  
雨新火樓臺處處煙萬事都隨春似夢孤懷漸覺日  
如年無聊一逐兒童隊閒上長堤放紙鳶  
笛聲吹起杏花風牛背生涯羨牧童胡蝶有情猶拾

翠杜鵑無處不啼紅神遊故國斜陽裏詩在蠻天細  
雨中沽酒前村應未晚一尊難得故人同

風外飄然舊墊巾夜郎吹笛寄閒身百蠻春色登樓  
處萬里斜陽上冢人南浦綠波迷遠夢東坡黃蘗感  
前因去年此日關山道芳草天涯更愴神

奇蹟清明絕句

桃花細雨杏花風故國新煙起夢中尋到蠻天花不  
見萬山斜日杜鵑紅

種竹用十六諫全韻

摩圍閣詩

卷上

六

乖龍何年乖帝罰使就豢竹王此開國苗裔遂滋鬱  
本支孱良楛佗族滄真屢螢錦紛解胞猺裳不掩胔  
老死瘴山雲速朽蠻花辦壞籜飽經蠹幽叢工匿巖  
拾鞭佐行驄踏葉知獵狎煙密起春絲霜深落秋規  
還棄由自暴荒走乍相暇擇主名園歸虛席衰植鏹  
乾坤返清氣灑落謝羣訕柳州表橐駝莊寥嘲斥鷃  
學圃方自娛避俗且無患修界鄰蒼桐腴壤借紫莢  
懶鸞爲衰翎悅鳳在初升仙曇本無花淨樹此亦懣  
尺地青所鍾寸天碧可綻蕉彈早被黜苔裂若遭鞞

移來雲紛紛蔭處水汕汕巡檐屐齒折陷淖衫角掇  
當風欲聯吟冒雨常拒諫留芳招舊想蓄媚待新扮  
久疎神未離乍對意已慣初基泉脈侵遠色山髻縮  
虛白逗一樓濕翠取雙澗搖水羣綠朝插花數紅簷  
清光尋無倪綿思補有間密鋪未連棚疎列先代棚  
停旭朝拳帷墜寒夕侵禰玉虹尾掛梢珠露身成串  
澗泉洗微膜儲方醫俗痼棲息招倦鵲奔躡備狂獃  
露葉螢得衾風枝鶴爲禳偶然天光通若有人影颯  
涼陰如到湖暝路似通棧月庭一虛無煙浪干變幻

摩圍閣詩

卷上

七

意涉儼在蓬臥遊底須轍奇姿振泥塗雅素償顧盼  
得地神似欣干霄報非謾朱夏行恢台綠陰坐清晏  
爽颿伫吟蚪長日來聽蟻會看徑煙深能使溪水慢  
於焉愜吟朋可以忘熱宦暫圓茶夢熟徐想笛材辦  
美人澹而愁佳士清不嫚負矣懷入林冷然會操縵  
庭影含瀟湘川聲起葭菼寄我故山思碧雲有飛鴈

摩圍閣詩卷下

古漢壽易順鼎實甫

古近體詩四十四首

春日泛舟榕江作

飛雨洗春蜚萬翠始自今樓居攬江色清暉遠相尋  
念若虛舟浮飄飄安可任桂楫泝芳皋暄風散蘭襟  
鷗鳥自娛悅水木交清森臨漪表奇葩在樹多佳禽  
草痕泣露顯潭影棲日深澗紅弄朝靄崖碧生夕陰  
尋聲速去湍蓄意遲來岑濤雜嫩語歌肆襖靄音

摩圍閣詩

卷下

六

澹然遺世累願此常酌斟雲潮變昏旦靜者知升沉  
孔父歎逝川伯牙愴斷琴玄感契萬古榮悴非所侵  
羈旅淹上才蠻地苦毒淫積候風土悉聊復資登臨  
意愜百景善芳檐羣慮欽瀟灑符夙期共此滄洲心  
春柳四首用漁洋秋柳韻

晴絲依舊縮春魂和水和雲綠到門南陌馬嘶煙有  
色西湖鶯坐雨無痕微黃似襯初三月暗碧遙知又

一村已向東風垂萬縷江潭秋怨不須論

舞罷樓心月似霜那回相遇在橫塘玉關人去新吹

笛金縷衣成舊滿箱殿脚尙憐隋煬帝宮腰曾識楚  
靈王今朝行馬天南客夢到垂楊第幾坊

獨酌酒醒鎮添衣送遠傷離計總非一岸曉風寒料  
峭六朝春雨夢依稀相看容鬢絲同颺未定禪心絮  
尙飛那及斜川歸去好五株回首舊盟違  
晴波照影不禁憐春到蠻天但見煙及第郎君勞染  
汁封侯夫婿感飛綿白門風色懷人處紅板潮痕載  
酒年惹我柔情棖觸起高樓極目碧雲邊

園中種竹作歌

摩圍閣詩

卷下

十九

生不願種千斛穀亦不望種十年木容園隙地如雲  
多補入疎疎數竿竹平生愛竹似愛才三徑今爲延  
英開要存真氣天難屈不露文章質已佳劇得春雲  
補花空滿身活綠移來重託根得地此事難報以青  
花飼饑鳳參天掃地隨所遭設想獨與青春高斂才  
斂氣出闕澹有意無意千雲霄夕陽初晴詩影濕暝  
翠高齋向人立瀟湘春水九疑煙并入吾天成一碧  
黃陵帝子遊人間鷓鴣聲裏愁風鬢萬重瘡綠歸未  
得瞥眼遇爾天西山會須長夏來鋪簟颯颯龍吟起

天半奇才自古出泥塗待掃層空與秋戰

題幀

瓊人選帳流蘇曉鑲夢煙房避花笑圓窓月樣楠恨  
蟾深貯單情替春嫋脂霞冷暈侵翡翠綺疏鬲霧聞  
鶯啼媚眼微擡怯初曙梨雲轉轉天如飛梳子鬢禿  
圓尺六顫起柔魂若難束五雙銀甲揩嫩泥袖口籠  
寒腕萸縮笙囊薛骨冰綠塵犀椎借竹敲斜門東風  
窺簾喚不得誰家誰代離鸞魂雌鳳帶愁飛不遠紫  
海涼波一痕染玉渦潮汐迴無期鏡心夜苦餘紅淺  
摩圍閣詩

卷下

三

泥金小卓分半方豔情簇簇攢斂梁燕支墮豸未沾  
髓古梅茜捻吹空香三生待作詞梨貼鎮日兜胸看  
酥雪行入西瑤小道山一聲鸚喚花天白

春望

萬國猶兵氣高歌一腐儒鄉心懸落照愁眼盡春蕪  
瘴洗關山出晴歸草木蘇陽和天欲轉未肯賦窮途  
西園逋元昊東瀛卧鬼章海雲春結蜃邊月夜驅狼  
近報扶南部新成逐北場側身天地內四顧轉茫茫  
殊鄉干寂寞長物只青山野水連三楚春雲壓百蠻

客程芳草外僧寺古榕間寥落平生意東風一解顏  
春風不棄遠萬里赴年芳喬木新圖畫桃花古戰場  
陣雲遺濟火山黛想奢香已成安土居夷暫可忘

新荷

小紅庭院送春餘新綠池塘過雨初暖意纔看侵睡  
鴨涼陰已解聚游魚全遮裏面雲天密不放中央月  
地虛靜夕憑闌應領得微香無力上衣裾

蠻溪三月已田田瞥向灣頭見小憐坐對宜傾重碧  
酒生成肯外萬紅天掠波紫燕窺柔影照水文鴛感

摩圍閣詩

卷下

三

盛年此日畫船歌舊曲江南新夢在誰邊

弄珠漢女昨移家飄泊蠻江惜歲華魚國卜居隣杜  
若鷗天流寓識桃花東風欲去還傾蓋西子初逢正  
浣紗放鴨船歸斜照裏一條波路認全遮

一種團圓替月姿夜寒風露尙難支紅船定有重來  
約碧玉還當最小時人海香魂飄葉葉池塘涼意起  
絲絲跳珠莫作驚秋響惹起孤衾竟夕疑

憐他生小便亭亭界破湖煙遠送青飛處愛涼惟翡翠  
翠立來嫌窄是蜻蜓升沉重壓三眠柳去住遙牽一

道萍麴院無風春尙好徑思打槩到西冷  
吳根越角少年遊一艇何時載莫愁曉浦香雲中婦  
鏡春江驟雨故人舟烟波夢濶宜消夏身世涼多易  
感秋猶喜開紅曾未放碧簫遲醉水邊樓

前起伏龍行

西南老龍不能宿萬古無方補天漏矯枉過正孰所  
使驪宮鼯睡忘其晝清明已過秧未下簫鼓龍祠雜  
祈咒垂天雲意幾回癡憑藉無端空出岫山城野老  
行太息萬家春簷斷飛雷蠻田不腴腴亦坼慘綠龜

摩圍閣詩

卷下

三

痕苔裂繡坐恐來日艱一飽歷劫未爲天所宥我於  
龍也竊有辭神技及時堪一售本爲造物助生成况  
值時艱需補救旬宣職廢棄厥司久矣天王罷巡狩  
吾將請命飛綠章責以尸官豈辭咎靈物自昔非癡  
頑要皆有情於世宙市人孺子懷寸長効用未甘雙  
手袖安民一怒古來有勃然詎因兩雄鬪不須虎頭  
置深潭精意神功相迫湊呼僮徑掩山中樓待聽萬  
木洪濤驟

後起伏龍行

老龍懷寶甘迷邦高臥無意興神龍領珠徑寸化為  
月不化萬顆甘露降一冬無雪春不雨茲事未免愁  
耕稼去年此州積夏潦山國陷碧浮如缸崗居一變  
爲水市寺塔存頂樓存窗爾族恣肆亦已甚至今眾  
論餘紛咙得非上帝怒其暴幽囚萬古身難雙雖然  
自効罪可贖天意久欲馳飛淙中原翼豫成赤地得  
不殷鑒深戒懼古來青史有禍首餓夫起與天戈撞  
戶皆小康年大有何至鋌走交矛鏃滯穗遺秉政難  
必坐恐里巷多吠屨吾爲萬族代請命高者盈畝低  
摩圍閣詩  
卷下  
盈江更移餘滴洗兵馬功成退歛歸靈寤

將進酒

酌瓊液烹玉脂畫堂紅燭揚清輝杯行何遲杯行何  
遲四座無言頓生酒悲主人且勿悲有客前致辭太  
廟之犧何如泥中之龜華亭之鶴何如枝上之鵲主  
人且勿悲賤子請行樂方今麒麟在數鸞鷲在巢八  
瀛波靜九邊烽銷今夕何夕與君相遭人生百年誰  
無身後雍門之琴可以不奏願君鼎鼎者印若若者  
殺客傾干觴主人壽主人壽將進酒

將進酒臨高臺春雨漲天生綠苔千年宮殿飛紅埃  
秦皇漢武昨夢見乃在三泉落日之中哀哀亦不須  
哀樂亦不須樂古來萬事浮雲浮我有一杯且斟酌  
昔有李太白自稱是酒仙眼空四海囊無錢清平調  
成玉環怒蛾眉絕代不相憐投荒散髮乃在夜郎萬  
里人跡不到之天借問沉香亭吐召何如長安市上  
眠富貴不可致神仙不可期人生百年中安用勞苦  
憂患爲不如炮鳳脂擘麟脯解衣躡躡爲君舞天上  
白榆落如雨

摩圍閣詩

卷下

容舸月夜

水香萬荷始風語一竹爲早螢尙避人孤鶴能聽詩  
素空愁娥駕暫赴澄淵期春紅與夏綠洗作秋白姿  
影嫌翠蘿礙光信紫萍移魚遊雙鏡中在空不在池  
萬古此真魄照世成玻璃掬手本無著印心良卽茲  
定衷若有感碎彩生淪漪悵然語微波肯遍天上辭

送張子蕃赴都

瘴國天高獨詠詩逢君江上夕陽時新詞北宋張三  
影舊律西川杜拾遺閱世艱難得同調論文灑落出

深思花前乍覺吟聲換又賦河梁古別離

故園兄弟望歸棹直下瀟湘接海涯秋笛聲穿三楚  
月春帆影度六朝花難山側帽吟仙句燕市圍燈寫

夢華此去懸知羈思滅江南薊北盡君家

子蕃家在燕又在皖

天觀亭影是耶非化鶴生涯感令威爲謝皖公青眼  
待尙看江令黑頭歸招來舊雨桑三宿送盡斜陽柳  
十圍那怪詩人尋夢若干儂何事也沾衣

十年哀豔懣離鸞花落江南總怕看鄴下應劉多故

鬼湘中屈宋尙衙官風騷託命長鑱在湖海論交短

摩圍閣詩

卷下

三

褐完聞道珊瑚添幾樹爲君料理舊漁竿

送蔣次香

采石披宮袍黃州吹洞簫古今一明月天地兩詩豪

唐宋白雲盡吳楚青天高知君吟大句江海夜風濤

長公宦遊人曾送江入海玉帶金山留禪堂發奇彩

幾眉飛一雲復此見瀟灑江北江南山萬古青不改

金臺既落日褐石亦秋風燕昭不可作駿馬悲途窮

豈知關門典未與霸國同吾君重經術期子明光宮

明月出天心飛行常萬里清光九州同誰能別離此

天涯在屋梁一室生海水余亦思成連空山抱琴起  
容園詩代人作用九青全韻

異國無兵氣名園有客星開疆明郡縣乘障漢邊庭  
地窄同居甕天高似建瓴蜃愁江迫狹鴉性菁嶺嵒  
西鎖穿雲棧東航出口溟湘帆回白雁滇版度青蛉  
豚竹封如蟻龍苗裔雜螟壤斑遺禹貢峰赭受秦刑  
嚮化蘆笙聚巡方繡斧經膏痕蘇瘠苦髻俗革嬰嫗  
大改槃宗習重瞻葛相型高懷原灑落直道或伶俜  
憂國頭將白看山眼獨青崇基沿廡宇秀致攬郊坰

摩圍閣詩

卷下

三

削岫修眉妙通泉細脈濛戒雕仍舊貫賞翠試新礪  
榻潤嵐爲輦軒虛月作榭樓疑登北固舫憶泛西泠  
檻亞芙邊路堤連樹杪亭燈常臨水挂笛慣隔牆聽  
累土分嵩華交流合渭涇危臺支礪砢疎牖闢瓏玲  
架木三層磴飛簷四角鈴皺毫開野畫遠日破天扇  
桐意招虞鳳芻香散魯駟豆棚蟲絡角松屋鶴梳翎  
左右雙橋達中央一舸渟塘空恆鏡色屋小亦船形  
每值千荷放還教百慮惺風絃彈楚瑟煙槳夢吳舲  
禪定香盈几詩涼句在汀流暉金破碎漱響玉玲玎

靜羽皆能潔纖鱗不敢鯉柔波眠翡翠細草坐蜻蜒  
魚覺童窺開鸚言吏到廳虛齋延四朗絕谷獻羣馨  
移淺難藏燕廊幽易住瑩蕉疎籌補漏菊密議分町  
筍長爭勝薛花繁鬥尹邢栽榕成夏幄種竹當秋屏  
蝶粉梅鬚竊蛛絲桂體網清朋誇綠箭絕豔惜紅鞋  
菱角尖於刺藤髻屈若綈蝸肥苦漠漠鵝嫩柳娉娉  
霽夕池搖藻霜時徑墮棹紅心抽帶草碧股擢釵葶  
鷗臥渾猜叟鶯歌欲誤伶籬腰聞雀啁箔眼見蜂釘  
微質僉隨化澄觀早洞冥乾坤忘逆旅物我脫幽囹

摩圍閣詩

卷下

三

妙曲工歌郢清尊客薦鄴南荒修灌樹西美慰榛苓  
昔屢苗頑動誰教禍本削杉飈吹颺颺萋露染箬簷  
種火冬堂熱烹澗晝屋暝毒光凝宿莽生理截枯莖  
茹蠱朝餐膩吹蠶夜魄熒諸蠻螳距斧萬命豕歸鋤  
智有攻心策仁兼舞羽廷神威行霹靂駭響入盯瞠  
羣力襄恭已三年美武丁刑天身已腐戰地血猶腥  
壞鏃乾埋隴殘旗倒卧涇蜚波終飲騎烏道遂通軫  
秋馮銷層茅春耕觸碎霆帝方圖白阜使者駐朱駟  
趙日威相濟商霖意靡停晨功驅犢健宵夢卧厖窳

桑碧遮簷霽梳黃滿確榘金環苗女秀銅鼓竹王靈  
結隊肩挑菜當壚手賣醺椎鬟辭唧唧聯臂舞婷婷  
浣黑檀花布塗丹芍醬瓶儒冠多負耒朝籍漸垂緹  
善氣滋喬木流年感閨冀遙情收茶蒼眾美集媼姪  
述德新宮頌居夷陋室銘圍花春共醉望雨夜頻醒  
澤稻資鴻雁原荆愜鶴鶴白公詩好詠絳守記還聆  
荷蕢氓歸市投醪惠溢榮猶煩救瘡痍未肯託聾瞶  
他日棠遺愛斯人柏後零羸才容濩落瘦影寄伶仃  
鄉調淒莊鳥遊踪老宋鉞生涯一烏帽神物兩青萍

摩圍閣詩

卷下

三

顧盼欣登鯉蚩俾愧識廳詞鋒文圃雉野性翠山麕  
感激聊濡筆行藏漫卜筮荒荒人海內僻壤足千齡

池上看月

元蚌隱東澗素蟾麗中霄大與溟渤適小或坳堂遭  
初碧洗春澹虛白生夜超妙觀若改夕清氣遂疑朝  
水香駐新荷雲態弄繁條遊魚危行空定鳥倒見巢  
疎螢過早綠倦翡棲深苔纖萍影匪罍遠蕙馨能招  
碎金誤宿鷺沉壁防潛蛟真魄常內歛波彩徒外搖  
居明理有澈在寂情無囂安知一泓蹙坐使萬象包

海山路可尺掛席風飄飄終期九垓上汗漫隨蘆菽

春柳

舊遊回首最魂銷人在長橋更短橋畫裏晴絲紅板  
路天涯風色白門潮啼過吳苑鶯都瘦繫到陪堤馬  
亦驕多少樓臺春影裏碧雲如水話南朝

古怨吹成一笛涼百蠻煙影綠於湘和他斜照年年  
在儘著東風面面當飄去夢痕隨水遠繫來春命比  
絲長憑君莫問靈和事張緒如今鬢有霜

桃李花下

摩圍閣詩

卷下

无

春風自東來吹我桃李花一株如白雪一株如紅霞  
紅白互相間陋室成豪華重重裏豔錦中有花神家  
朝見蝶徙宅夕見蜂開衙攀附在時勢中藏詎能嘉  
殘英忽紛飛四顧春有涯重經綠陰底寂寂無喧嘩  
來時浮雲浮去時斜照斜何如大堤柳秋盡猶藏鴉  
夢登之罘島得句

漢武秦皇去不逢誰知世外有奇峰海天西角斜陽  
影紅透滄桑第幾重

臺上晨望

端居感元化已過清和節曉起登高臺一雨羣綠活  
卉木蒙清陰朝景澹相悅新秧亦成行農事方未歇  
遠聆田水流辨影見微白晴畦多集鳧浴罷羽爭拍  
萬物尙春意吾生何所迫

夜夢復入一山得此詩

仙路不逢人行入秋色裏萬煙白雲終一星明月始  
松光凝暗綠花意動涼紫似有踏歌聲遙從天外起  
消夏偶興

江上青山山上城我來兩度聽蟬聲冰蓮雪藕爲誰  
摩圍閣詩  
卷下  
三  
好露竹風荷如此清復有池臺供畫意不妨魚鳥結  
詩盟西湖若許舸船掉柳浪陰中過一生

容舸過夏憶往成詩

當年行樂銅駝陌長日招邀繫金勒燒燭樓臺夜火  
明圍花絲管朝雲熱美人汗污絳榴裙狎客拳喧綠  
藤席珠簾蒜押不動風玉腕藕絲同捲雪高棚枉費  
百千緡細葛空頒重五節調冰公子意如何抱日嬌  
郎眠不得新詞折柳苦相催舊典沉瓜悵虛設長途  
瑁璫獨騎驢短夢清涼頻化蝶飛塵鋪滿帽簷縹落

日照入車箱赤有時舌本欲生煙偶得蹄涔堪止渴  
豆棚夜話寂無聞土釜晨炊喧未歇漫思細雨滴疎  
槐惟見南風吹大麥照人明月瘦三分沒馬黃埃深  
一尺故山深柳讀書堂慢水幽蓮采香國獨我搔頭  
感歲華讓人散髮眠清樾竭來南紀倦支頤偶憶西  
湖清入骨濯纓自昔咏滄浪打槩何時到吳越差能  
料理一帆蒲未便銷磨兩輪鐵人生遇合信難猜翻  
向蠻江得好懷雙柳陰中垂釣坐萬荷花裏送詩來  
悼前御史吳柳堂先生卽用其絕命詩韻

摩圍閣詩

卷下

三

二百餘年教養中成全幾箇孝和忠九州萬古留雙  
淚一死孤誠動兩宮讀到毛詩鍼虎異看來尸諫  
史魚同先朝士氣銷磨盡砥柱頽瀾莫更東

秋日野興

霜痕染遍古蠻州信馬吟楓作冷遊古井微波如我  
定寒山老樹向人秋寺飛蝙蝠鐘初動江立鷓鴣網  
未收喜值天涯清暇日仲宣何事賦登樓

榕城秋日懷子蕃次香兼憶京華舊好

摩圍道人吹鐵笛踏月行歌萬山碧太白商量換酒

裘小紅點綴填詞筆禪天有伴夜雙眠人海無聊朝  
獨立闕世青琴同調疎忍寒翠袖相思積道人兀坐  
古榕陰散髻斜安紫玉簪照水白雲觀世法繞林黃  
葉話秋心孟嘉縱解操蠻語莊舄惟知作越唵斷送  
流光輪脫筭銷磨盛會換題襟殘春江上送扁舟子  
野元卿盡勝流一路花風辭筑國滿天梅雨到蘇州  
幽花北渚靈均怨枯樹南朝庾信愁歷下亭前歌席  
散宣南門外酒旗收京華此去聽金縷畫壁旗亭幾  
仙侶燕臺問價底須隗雁塔題名應到甫我亦華年

摩圍閣詩

卷下

三三

早倦遊別來香國都無主萬里蒼梧貶鳳凰三春紅  
豆拋鸚鵡肖錦奚囊一蹇驢鬢絲禪榻一圓蒲耽奇  
長吉肝頻嘔習靜維摩足每跌病骨知涼同齒齧愁  
心望遠隔蘼蕪何時兩字頭銜換仍作高陽舊酒徒

佛手柑

佛身干手眼金色滿須彌斗酒携來後屠刀放下時  
拈花眞解脫證果妙聞思回指靈臺路靈山卽在斯

中秋集南州榻

寥居阻荒裔三見圓蟾佳皓魄臨天中顧影自徘徊

飛簷接華露廣步除纖埃雜花眠更起微雲往復來  
掬波或在手閒軒偏入懷滅燭思前歡授簡慚上才  
美人隔千里響寄青琴哀何當逐流光照汝妝鏡臺

摩圍園詩

卷下



夫人湖中... 摩圍園詩... 卷下

